



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ალექსანდრე იესეს ძე

ალექსანდრე იესეს ძე (ბაგრატიონი), ქართლის სამეფოს პოლიტიკური მოღვაწე XVIII ს. I ნახევარში. მეფე იესეს მესამე ვაჟი, ანტონ I-ისა და აბდულა-ბეგის ძმა.

დაიბადა ირანში და იწოდებოდა ისაკ-ბეგად. XVIII ს. 40-იან წლებში ქართლის ნაიბი იყო. 1742, არაგვის საერისთავოში გლეხთა აჯანყების დროს, სცადა იქ გაბატონება მაგრამ თეიმურაზ II-მ გამოაძევა. 1744-იდან ქართლის ჯანიშინი იყო. თანამდებობიდან მალე გადააყენეს, რადგან მხარს უჭერდა აბდულა-ბეგს ქართლის ტახტისათვის ბრძოლაში. 1750 გაქრისტიანდა და საუფლისწულო მამულები მიიღო ქვემო ქართლში. 1759 იძულებული გახდა რუსეთში გადასახლებულიყო. ჯერ ასტრახანის გარნიზონში მსახურობდა ოფიცრად, შემდეგ, 1761-იდან – ყიზლარის ქართ. ესკადრონში. პქონდა პოდპოლკოვნიკის წოდება. მისი შვილიშვილი იყო მხედართმთავარი პეტრე ბაგრატიონი.

*წყარო:* ორბელიანი პ., ჰამბაჯნი ქართლისანი, ე. ცაგარეიშვილის გამოც., თბ., 1981.

*ლიტ.:* მ ა ჭ ა რ ა ძ ე ვ., მასალები XVIII ს. მეორე ნახევრის რუსეთ-საქართველოს ურთიერთობის ისტორიისათვის, ნაწ. 2, თბ., 1968.

**დ. ტუხაშვილი**

---